



1. Lutheri: Martini: Jubelkorn,
1520
2. ————— von dem geystlichen
zu Rom, 1520.
3. ————— sermon, von Albas
1520.
4. ————— von der freyheit
und geystlichen, 1520.
5. ————— anlegung der 104.
psalms, 1520
6. ————— sermon, da L. Jung
Königliche Räte, 1520.



Ein Sermon

An dem tag des heiligen
 Sant Johanes des Täufers
 Ihesu Christi. Gepredigt
 von D. S. M. L. Ecclesi.
 Witten. Anno. 1522



Ewang. G. L. In Festo Johannis
Baptiste Celebratum Mart. Luth. Ecclesi.
Vuitenbergensis. Anno. M D XXII

Elisabet impletū est temp⁹ pariendi.



Iser hailiger sant Johans hat ain ander
vrsach dz man sein festseyret wen die ander
hailign. Darñb ist auch sein legendt so sein
herlich beschriben in disem Euangelio Als
kains andern/die andern feyrt mā als vñ
jres gūten leben willē vñ/ist da hin kōmen/
das man sy hōher hebt wān man sol/ Ich
hab vor himm gesagt/ Das ain annder ding ist/die leer vñd
dz leben/Darum solt jrs gar wol schaidn/ den got ist nicht
sounil gelegen am lebenden an der leere/Darumb last er die
sein offte strachen im leben wie wir lesen. Aber was die lere
angeet/da hat er sy kaim harbrayt fallen lassen/den ain bō
ses leben ist/niendert so schedlich den ain bōse leere/das bōse
leben ist niemant schedlicher den dem der es fūredt. Aber be
se leer versūrt offte ain gangland/das der Bapst ain bōsle
ben fūret mit hūren. .ic. Dzkūnden wir in wol zū gūte halte
vñd wol den mantel vñtappen darūber werffen/ vñ helffen
zū decken. Aber das er bōse lere in aller welt schwemet vñd
yederman versūrt/das ist der tod vñd in kaynen weg zū dul
den/darumb seyn die hailigen vil meer/zū eren vmb der ler/
den vmb jres lebens willen/das wendet nun die vernunfft
vñd die kan es nit also fassen/als der hailige gaist/die felde
dahin/vñd sy het gleissen vñd das eūsserlich leben an. Vñd
will dem nachfolgen/da wirt dan ain affen Spyll darauß
da kōmen her die orden Sant Augustinus hat ain feyn/
leben gefūrdt/dem haben sy wōllen nachfolgen/darum ha
ben sy sein leben in ain regel verfasst vñd ain orden gestyfft/
auff sein leben als Franciscus. .ic. So es doch mit dem leben
mislich ist/den man weyßt nicht ob in got in jren leben ver

schont hat/ob er ain wolgefalle hab gehabt /8 halbē sol mā
nichts mit irem leben bewären / wie dan alle Klöster auf d
hailigen leben gestift thun/dan es ist kains hailigen leben/
so gut/das wir vnser gewissen dar auff gründen vnd baw-
en sollē/dan sy seind Ja auch sinder gewesen vnd haben
müssen betn/wie wir vergebē vns vnser schuld. 2c. Dar auß
schliessen wir dz zur besterigung d lere/kains hailigē lebū ge-
nüg sam sey/aber ire leer sol man annemen vnd die leer der
warhait/dar auß mein gewissen bawē/Damit wir auff kay-
ner creatur steen/sunder allain auff dem wort gots Juxta
Esaiam verbum domini. 2c.

Darumb ist nun der erste mißbrauch/das wir vns dar hay-
ligen leben zu einem Exempel vorbilden/vnd ire lebē gefast
mit reglen/wie dan nun die Orden heer geen. Sarnach das
man sich auff der hailigen werck vnd verdienst tröstet/vnd
ist da hin kommen/das man will meer auff der hailigē ver-
dienst bauen/wen auff Christus verdienst. Nun Cristus ist
allain der/der für vns redt vñ verspricht/wie Paul⁹ zu den
Römer. Ca. v. et. iij. Sie weil wir gerechtuertiget seyn/so ha-
ben wir frid vnd ainen sichern zu gang zu gott durch Chry-
stum vnd durch sein blüt/also ist vns hie Christus zu aynē/
mitler gestellet/wen ich nun daz nicht thū/sunder ain ander
mittel suche/so thū ich Christo ain vneere vnd seynem blüt
ain schande auff/war ist's/wir sollen ayner den andern ee-
ren vnd für gots kind halten/das selb sollen wir den hailigē
auch thun/aber das ich mich also diemütigen wolle/vnd nit
zu got tredte/Sonder ainen hailigen zu ainem mittel stellē
das soll ich nit thun/den durch den Christum hab ich gleich
so wol ainen sichern zu gang zum vater/als sant Peter oder
Paul⁹/ob sy gleich reicher im glauben gewesen seind/Wan
ich/da leydt nichts an/den ich hab gleich als wol den Christū
das blüt/Den zu gang die kost als sy. Wan hat Christū ge-
macht/wie ainen ernstlichen grausamen richter/darū hat
niemant wollen on ain mittel hin zu geen/vñ ist dahin Ge-
kommen/dz der Sant Peter sant Paul⁹. 2c. Zu ainemō patr

erwelet hat/vnd also jr zu versicht von Christo abgewände
auff die hailigen gestolt vnd gesprochen. Ich hab S. Pet-
ter. 2c. Zu ainem Patrō/sant Paul' ist mein apostel/ich ver-
main selig zu werden. Also ist Chrystus auß dem mittel ge-
stolt/war ist's /wie sy sagen/das wir nit on mittel zu got gee-
sollen/dz mittel ist aber Crist'/wie sant Paul' sagt so müs-
sen wir vnsern Christum eeren/vonden wir vnsern namen
haben/daz ich gleich so wol durch Christum zu got dürf gen
wie sant Peter vñ Paul' / damit feldt nun dahin die zu ver-
sicht der hailigē / so wir allain durch Chrystū ain zu gang
haben. Darumb ist warlich ain grosse abgötterey worden/
on ire schuld/vnd hat mir nicht wölln gefallen/ dz wir vnser
hertz auff sy gewent haben/vnd vnser hoffnung haben mir
zu in gehabt/vñ in in gehangē. Aber dz fürbitten ist ainē yet-
lichen/das ich für dich vñ du für mich betest/im leben für die
todten zu bitten/ aber die anzüriffen das ist vns nicht be-
folhen/wen wir habn dauon nichts gewis/ die zu versicht sol
man stellen allain auf Chrystū/so feldt dan dahin aller hei-
ligen zu versicht/vñ wirt vergessen/wen man die hertzen von
der abgötterey künd abreyssen/ So wurden die bilder wol
von in selbst fallen. Nun macht man die abgötterey fallen/
wen man die zway stücke thut. Das erste /das man nicht je
leben annymt zu ainem leben/den es ist myßlich.
Darnach das man die zu versicht darvon thut /dan kumbt
man allain auf Christ/vñ versencket sich in sein blutt/vñ wa-
wir die zu versicht auff Christum hette/so wurden wir woll
der hailigen vergessen. So magstu nun sprechen/was solln
wir nun mit den hailigen anhebe /das soltu mit in thun /dz
du mit deynem nechsten thust. Gleich als du zum nechsten
sagst/bit got für mich/also magstu hie auch sagen/du sündi-
gest/nicht wen du sy also anruffst /auch nit wen du sy nicht
anruffst. wie ich radten wollt/du gebest dich allain auf chri-
stum/Sunst kumpt ymer ain frag auß d andern/ob sy vns
auch hören/ob sy schlaffen. 2c. Vnd wen man weyt kommet
So ist vns doch nicht darvon geboten/vnd sollen vns nicht

betüntern/wie sy seind dan es ist gnüg dz wir wissen/sy seind
in Christo/vnd Christus in in/wie das aber zu geet dz solln
wir aber got beuolhen lassen sein/den das ist gewiß/wen mā
got bey den klainnsten zehen anrürdt / so erfüllet ers wie er
in Math. sagt/was ir meinen geringsten habent gethon
das habt ir mir gethon. 2c.

Die ander ere ist damit man die hailigen mit eret/Das ist v
leere halben/die (ist gang vn gar ewigklich gepreyset) in Jo
hanne. daner ist der vorlauff/vnd verkündet den herren/da
rumb wirt er so hoch angezogen /seyns ampts halben/wel
liches dan das gröst ist/da durch vns kumet die selikait/dz
geet nun alles dahin/das er sol ain leerer sein/das lebē lass
en wir faren / wie er ain gestrenges leben gefürt hat. 2c. Die
leer wellen wir sehen. Die gschryfft zaigt Johannes also/dz
er stee im mittel/des alten vnd newen testaments/das er sey
ain mitler zwischen mosy vnd Christo/dz ist ain groß ding
vnd über alle werck zu ziehen/Also auch christ' hat dz gröst
werck thon mit seiner leer/die wunderzaichen seind nicks ge
gen seiner leer/Also sagt Christus auch Mat. ij. A diebus
Johannis/von den tagen des Johanes des tauffers. byß
hie her leydt das reych der hymmel gewalt / vn die gewelci
gen reyssen es zu in/dann alle propheten vnd das ganz ge
setz byß auff Johannem/Dann Johannes erkläret das ge
setz dz sehe wir dz wir nichts seyen/Vnd weyßt vns christus
vns seligkait/vn den reyset sich den die ganz welt gleych
wie vmb ainen schatz der yederman geöffnet ist/Soch setzet
er Johannem mitten zwischen das alt vnd new testament
das er sy bring in den hymel/vnd hinweck nem die hell/den
sein stym hat den büchstaben lebendig gemacht/vn hat den
gait bracht zu der schryfft vnd hat das gesatz vnd das E
wangelium mit ainander gefürt / das seind die Ander pre
digen Johannes die erst/die da niderlegt/die ander die er
hebt/die ain fürt in die hölle/die ander fürt in den himel/die
ain tötet/Die ander macht lebendyg /die ain verwundet
die ander macht gsund/dan er predigt dz gesatz vn Ewangelium

tödt vnd seligkait 3 Buchstaben/ Vñ den gaist sendt er/ vñ
gerechtigkait daz sehen wir in Johanne/ die erst predig dye
er thut/ da schlöcht er das gesatz für / die ist wan man dz ge-
satz gaistlich außlegt/ dz allen menschen leben vñ werck sant
dlich seynd/ vnd das ewigen tods würdig. Darum strafft er
so hart/ die gleißner die da kamen/ vnd sich wellen in den hi-
mel heben/ vmb der werck willen/ Johanes aber ye frümer
sy waren/ ye hertter er sy strafft/ vnd sagt du Setter geichte
wie sicher stest du/ den mainstu du wellest den zorn gots ent-
lauffen/ da leget er hin alle ire werck/ vnd sagt daz sy des hel-
lischen feurs wert sein/ vnd spricht rechte piß da seind nider
geschlagen aller hailigen leben/ alles dz da scheint gleyßet/
vnd treüget. Also wen man yetzunder auch sagt aller men-
schen werck seind des todes vñ des hellischñ feurs würdig dz
die werck durch gesatz vñ zwüngen müssen auff hörē / die stym
Johan. will niemant auff nemen. Also kan sant Johan-
nes zu seinem ampt nicht kōmen/ vñ das volck dem herin be-
reiten. Aber wen die stym trifft/ der sagt im hertzen/ Ja es
ist layder war/ ich bin des teufels/ ain kind des zorns vñ der
hellen/ Da hebt er dan an zu bidmē/ vñ zu zitern. Da hat dē
Johanes sein ampt gethon/ vnd daz volck dem herin bereit
das ist dan sant Johanes ersten predige. Also hat dz gesatz
gewert bis auff Johan. vnd das gleissen d Phariseer auch
gangen bis auff Johānem/ der hat es auff gehalten/ Wan
nun die leere ist entpor gehalten / das ich nun geschlagē byn
in meinē gewissen/ dz alle mein ding nichts sein/ wa will/ ich
dan hin/ da wirt mir die welt zu enge werdē/ so muß nū Jo-
hānes her kōmen/ vñ dz new testamēt anhebē/ vñ die rechten
lerē anstē/ dz er ain rechter mitler sey/ vñ sage. Ich hab euch
getauffet mit dē wasser/ aber darnach mir kumpt d wirt/ tau-
fen im feur/ vñ gaist/ rechte sein finger auf/ vñ weiset/ auf dz le-
lin gotes/ vñ sagt/ erken den als ain lemlin / dē dein sünd auf
dē halß ligē/ vñ du selig seyest/ so bistu es/ da get nū her die le-
re des newē testamēts/ also muß mā vorhin dz hertz tödten
vñ in die höll stossen/ darnach wid heraus heben vñ lebēdig

machē/ auß dē gewissen setzē/ vñ sagē dz gsetz thūt nichts d seli
kait/ den wir künen nichts thün dz des gsetz fordr/ darū müst
du allein auf dz lemlin fallē/ auf des hals ligē die sünd allein
die ere müssen wir allain got gebē/ dz er vns vō dē sündē erle
digt hat/ den wir kündē k ain sünd nit büßen/ k ain gnad er
werbē des vnd k ain ands. Also ist in dē gsetz d tod/ in chri
sto dz lebē/ dz gsetz stoßt in die hell vñ tötet/ Crist⁹ erhebt in
den himel/ vñ macht lebēdig/ dz gsetz macht ain blöde gewis
sen/ d Cristus ain frelichs seligs gewissen / d Crist⁹ gibt den
gaist dz gsetz dē büchstabe / dz gsetz beschwert die gewyssen/
vñ gibt die sündē/ Crist⁹ erleicht vñ gibt die gerechtigkeit dz
seind die zwü predig Johannis/ darū vñ der lere wille wirt
er also groß geacht gegen got/ vñ so seer gepreiset/ daz er got
ain gerüste volck machet/ den er mit dē wort des gsetz dich
hat zū schlagē/ gelert daz du im hertzen nit seiest/ vñ preysst
gots werck/ dz macht dz du an dir verzagst vñ allein auf cri
stū bauost/ so kñbt dē got in dich mit gaist/ vñ feur vñ mache
dich from/ nū schau auf ob jrß nit als im text habē/ also müß
got habē dē vorlauf d kñbt in dē geist/ vñ kraft Helie/ dē wie
Helias strafft/ dē künig achab den fromen/ vñ ye mer hailyg
kait/ d auf richt ye mer der Helias vñ stoßt/ also müß auch
thün Johan. müß zū trümmern stossen alles wz vnser ist/ hüt
euch vor den zū künstige zorn/ dē jr seyt verdäbt in dē tod vñ
hell/ vñ sage dz wir allain auf Cristū kōmen müssen/ vñ das
haist den kōmen. in spū Helie. also Verstet jr auch was dz ist
da d text sagt/ vñ wirt die hertze d kynd bekern zū dē veteren/
dz ist er sicht in die gschrift / vñ siche andē glaubē d vāter vñ
fñrt die kind auf dē selbigē glaubē d vāter/ also thet Petrus
auch Act. xv. wir vertrauen durch die gnade gots selyg Zū
werdē/ wie vnser vāter dz thūt auch Pau. Ro. iij. Credit em
abrahā. ic. also dz sey vō dē preis d lere Jo. Darū vñ schait
dz Jo. wol mit ler vñ lebē/ die ler ist allerwelt selik ait/ vñ hilf
d seelē/ gybt er dz ewig lebē/ aber d hailig kñ triegē / nū in dē
sollē wir vns frewē/ vñ got dācken/ dz er vns ain solchē man
gebē hat/ d vns also ler vñ weiß/ wie wir solkē selig werdē. ic.

[Faint, illegible text, likely bleed-through from the reverse side of the page.]



- 5 Jan. 1982

16. Jan. 1982

15. Aug 1983

- 6. Juli 1992

25. Feb. 1993

Fb L 1080

He-18

ULB Halle

3


003 772 233



Sl

2





28



Ein Sermon
An dem tag des heiligen
Sant Johanes des Täufers
Jhesu Christi. Gepredigt
von D. M. L. Ecclesi.
Witten. Anno. 1522

